

Amanaki ke tohia e higoa mo e vili



**ELECTORAL
COMMISSION**
TE KAITIAKI TAKE KŌWHIRI

Ko e hā ne kua fakamau e higoa ke vili?

Kaeke kua fakamau haau a higoa ke vili, maeke ia koe ke fai talahauaga ke he tau viliaga lahi, tau viliaga maaga mo e tau viliaga lahi ke he tau matakupu mua atu e mahuiga. Ko e tau viliaga ko e haau a magaa hanei ke maeke ia koe fai talahauaga hagaao ia kia lautolu ne maeke ke hukui a koe ke he tau matakupu kua mokoina haau a loto ki ai.

Maeke haau a leo ke logona kaeke kua fakamau haau a higoa ke vili.



Ko hai ne maeke ke tohia e higoa ke eke mo tagata vili?

Kua lata a koe ke tohia e higoa kaeke ko koe:

- kua 18 e tau he moui poke molea, mo e
- ko e tagata Niu Silani poke tagata nofo mau i Niu Silani, mo e
- kua nofo i Niu Silani ke molea e taha e tau ke he taha magahala he haau a moui.

Kaeke ko e tagata Osetalia, Mauli Kuki Aelani, Niue, Tokelau, maeke ia koe ke fakamau haau a higoa kaeke kua nofo a ko i Niu Silani ke he katoa e 12 e mahina.

Kaeke kua nofo a koe he tau motu kehe maeke ia koe ke fakamau haau a higoa ke lata mo e Viliaga Lahi ma e 2023 kaeke ko koe:

- ko e tagata Niu Silani ne kua nofo i Niu Silani ke he 6 e tau kua mole, poke

- ko e tagata nofo mau i Niu Silani ne kua nofo i Niu Silani ke he 4 e tau kua mole.

Ka oti e viliaga he 2023 to hiki ai e mena nei ke he 3 e tau ma e tau tagata Niu Silani mo e 12 e mahina ke lata mo e tau tagata ne nonofo mau i Niu Silani.

Ke lata ma e tau viliaga, ko e tagata nofo mau he motu ko e ha tagata kua moua e fakaatāaga fakamatafakatufono mo e nakai faka fakakaupāaga ke he tau magaaho kua lata ke fano kehe mai mo e motu. Kua putoia ai e tau tagata ni kua hahā i ai e visa nofo motu.

Maeke ia koe ke fakamau haau a higoa ka tū e 17 he haau a tau moui. Ko e magaaho ka tū e 18 he haau a tau moui, to fakamau agataha haau a higoa mo e kua mau a koe ke vili.



Maeke fēfē ia au ke fakamau e higoa?

Mukamuka ke fakamau e higoa poke fakafoou haau a tau fakailoaga fakatagata. Maeke ia koe ke:

- ahiahi atu ke he **vote.nz** mo e fakaaoga e haau a laisini fakaholo ha Niu Silani, Pasipote Niu Silani poke RealMe verified identity ke fakamau e haau a higoa i luga he laini hila
- hea nakai fai totogi **0800 36 76 56** mo e ole ke fakafano atu taha tohiaaga kia koe

Ko e magaaho ka fakamau haau a higoa, to tuku atu haau a higoa ke he tohi fakamau higoa tagata vili. Kua lata ia koe ke toka haau a higoa ke he tohi fakamau higoa tagata vili ke maeke ia koe ke vili.

Kua lata ia koe ke fakafoou haau a tau fakailoaga fakatagata ke he tau magaaho oti ka hiki haau a kaina ne nofo ai.



Tupetupe ke he haau a moui haohao?

Kaeke kua tupetupe a koe ke he haau a moui haohao, poke ke he haau a magafaoa, maeke ia koe ke tohi ole ke tuku ai haau a higoa ki loto he tohi fakamau tagata vili ne puipui mo e nakai fakakite fakahanoa. To puipui e mautolu e haau a tau fakailoaga fakamau tagata vili mo e nakai foaki atu ke he taha.

Finatu ke he **vote.nz** poke hea **0800 36 76 56** ke lata mo e tau fakailoaga laulahi mo e ke lata mo e taha tohi ole.



Manako lagomatai ke fakamau e higoa?

Maeke ia koe ke ole ke he taha ne kua iloa e koe, tuga e kapitiga poke taha he magafaoa, poke maeke ia koe ke ole ke he ha mautolu a matakau ne fakamau e tau higoa tagata vili, ke lagomatai a koe ke fakapuke haau a tohi fakamau tagata vili, poke ke fakapuke haau a tohi fakamau tagata vili ke lata mo koe.

Kua lata ia koe ke fakamooli e tohi nei.

Kaeke kua iloa e koe ha tagata ne kua nakai maeke ke fakapuke mo e fakamooli ha lautolu a tohi fakamau tagata vili ha kua nakai mitaki e tino poke manamanatuga, kua maeke ia koe ke lagomatai atu.

Finatu ke he **vote.nz** ke fakalaulahi haau a iloaaga hagai ke he puhala kua maeke ke lagomatai e tagata ke fakamau e higoa ke eke mo taha tagata vili.



Fakamauaga he higoa ke vili kaeke ko koe ko e tagata Maui

Kaeke ko koe ko e tagata Maui mo e kua magaaho fakamua hanei kua fakamau haau a higoa ke eke mo tagata vili, fai fifiliaga mahuiga a koe ke taute. Kua lata ia koe ke fifili ko e tohi fakamau tagata vili fe haau ne manako ke nofo ki ai: ko e tohi fakamau tagata vili ma e motu katoa poke tohi fakamau tagata vili he tau Maui. To lauia haau a fifiliaga ke he matakavi vili fe kua vili a koe ki ai viliaga lahi.

Kaeke kua fifili e koe e tohi fakamau tagata vili ma e motu katoa, to vili ai a koe ke he tagata ne kua fakatu e higoa ke vili ke he taha he tau matakavi ne vili ma e motu.

Kaeke kua fifili e koe e tohi fakamau tagata vili ma e tau Maui, to fifili ai e koe e tagata ne kua fakatu e higoa mo vili ke he tohi fakamau tagata vili ma e tau Maui.

Ko e tohi fakamau tagata vili fe ni ne kua fifili e koe ki ai to tatai ni e tau higoa he tau matakau politika ka vili a koe ki ai.

Ko e tohi fakamau tagata vili fe ni kua fifili e koe to lauia ai e puhala kua vili a koe ke he tau viliaga he maaga. Kaeke kua nofo a koe ke he tohi fakamau tagata vili he tau Maui mo e kua haha i ai e matakau Maui ke he haau a fakatufono he maaga, to vili ni a koe ke he tau tagata ne kua fakatu e tau higoa ki loto he matakau Maui poke maaga.

Maeke ia koe ke hiki e tohi fakamau tagata vili ne nofo a koe ki ai ke he ha magaaho taha kae nakai maeke kaeke kua 3 e mahina to fakahoko ai e viliaga lahi pihia mo e tau viliaga he tau maaga, pihia ke he falu a magaaho to fakahoko ai e viliaga motuhia.



Manako e tau fakailoaga fakalaulahi?

Ke lata mo e tau fakailoaga fakalaulahi hagai ia ke he fakamauaga he higoa tagata vili poke viliaga:

- ahiahi atu ke he **vote.nz**
- hea **0800 36 76 56**

Tau fakailoaga hagai ia ke he fakamauaga he higoa tagata vili poke viliaga kua maeke ke moua ai ke he loga e tau vagahau kehekehe haia ke he **vote.nz**



**ELECTORAL
COMMISSION**
TE KAITIAKI TAKE KŌWHIRI